



TU KADU in Pepe ko emōj Kobaiki ikijen ESSA eo an Washington

Kadedelok aikuj ko an Kakien in 1965 ikijen Jelāloksen an jikuul ko an Elementary im High School ilo Section 8302 (ESEA), einwōt an kōmman oktak ilo Kakien eo ikijen an Tōbrak Kajojo Rijikuul (ESSA)



BEBA IN JERBAL EJAÑIN DEDELOK



U.S. Department of Education

Kōmman Oktak: August 7,
2017

Kobban

- Kwalok kin Tu Kadu in Pepe eo emōj Kobaiki 3
- Kin burokraam ko an jelālokjen an federal 4
- A. Titōl I, Baat A: Kōkōmanmanlok burokraam jiddik ko im obiij ko an jelālokjen ilo jukjuk in bed eo rej lorlorjake 6
- B. Titōl I, Baat C: Jelālokjen eo an Ajiri ro raar emakit tok jen lal ko jet 9
- C. Titōl I, Baat D: Burokraam in Bōbrae im Jibañ Ajiri im Jodrikdrik ro Rejool, Rejabwābwe ak Rebed ilo Kauwatata 10
- D. Titōl II, Baat A: Jibañ Katak ko rej Jerbal 11
- E. Titōl III, Baat A, mōttan baat 1: Katak Kajin Belle im Kōkōmanmanlok Kajin eo 14
- F. Titōl IV, Baat A: Jaan in Jibañ ikijen Jibañ ko an Rijikuul im Kalaplok Katak 15
- G. Titōl IV, Baat B: Jikin katak ko an raan kein ilo jukjuk in bed eo 16
- H. Titōl V, Baat B, Mōttan baat 2: Burokraam in Jikuul nan Taun Jiddik im Rettolok im Edrik Wōnaan armij ro ie 17
- I. Burokraam ikijen Jelalokjen nan Ajiri im Jodrikdrik ro ejelok jikin aer jokwe, Kakien in McKinney-Vento nan jiban ro ejelok jikin aer jokwe, Titōl VII, Titōl eo lalin B 18

Kwalok kin Tu Kadu in Pepe eo emōj Kobaikibaiki

Beba in ewōr kamelele ilo tu kadu ikijen Pepe eo emōj Kobaiki ikijen ESSA eo an Washington nan katōbrak kōtōbar ko an Kakien eo ikijen an Tōbrak Kajojo Rijikuul. ESSA ekar binej jenkwān Kakien eo an Ejelok Ajiri enaaj Jool (No Child Left Behind) ilo Tijemba 10, 2015 einwōt juōn bar kamelim an kakien eo an jelalokjen an elementary im secondary. Enaaj jerbāl aoleben ESSA ilo yiō in jikuul 2017-18.

ESSA enaaj janiji jekjekin jelalokjen ilo aoleben Amedka. Ebidodo im ej kamelim an bukōn in jikuul ko ilo jukjuk in bed eo kōkōmanmanlok aer katōbrak aikuj ko an rijikuul ro aer.

ESSA ej kōtlak an state ko kalaajrak silos ko ilo jikin jelalokjen, im kamelim bidodo in kōjberbal jaan ko nan kōkōmanmanlok tōbrak ko an rijikuul. ESSA ej lukkun uun baamle im jukjuk in bed eo bōk kwonaer. ESSA ej kajju bukōt mejlan jabikbik ko elōn rijikuul rej iooni, im aikuj an state kōjberbal kein jerbāl ko an jelalokjen nan lale melele ikijen wawein jiban ko nan rijikuul, wōn ej katakin er, im kein jiban ko rebed nan loloorjak bwe en wōr an aoleb rijikuul maron nan ebbōk jelalokjen eo im emman tata im elap tokjen.

Pepe in elap an lemnak kake wōnmaanlok eo an rijikuul. Ej juōn tōre aurōk nan jerbāl ko an jelalokjen an state in ad, kaddōk ial ko ad ikijen kōjberbal kapeel im tōbrak ilo jelalokjen nan 1.1 million rijikuul ro ad. Eniin ej leen jerbāl ko ekar lablok jen juōn yiō in jerbale, koba in 12 drouluul in jerbāl ko, juōn kumi in ritel, im juōn kumi in kakobaba pepe. Drouluul in jerbāl ko ekar wōr 200 armij jen aoleben state eo ekoba ro jen jikin jelalokjen, bijnij, im drouluul in armij in lal/aelōn ko jet, rikōmman kakien, im jinen im jemen rijikuul. Koba ibben buki enaan ko raar bōk jen armij ro ilobelej, kumi in ritel eo an OSPI (jen ruo administration mokta lok) raar ito-tak ilo state eo im kōmman kwelok ibben armij ro ilobelej im kwelok ibben ritel ro jet ilo jukjuk in bed ko edrik jiban nan er jen tōre ko maanlok.

Pepe eo amim ilo ESSA ej bukōt mejlan jabikbik ko ilo jikin jelalokjen, im ej jerbāl nan kōmman bwe en ejelok kalijeklok im en jokwun wōt juōn aoleb rijikuul ro ilo Washington. Eddo eo amim einwōt rikaki ej nan kebooj kajojo rijikuul - jekdoon wōn er, jonan wōnaan rimweo mweer, ak lal ta eo rej itok jene - nan kōttōbar ko aer elikin high school, jerbāl ko aer elikin, im mour in. Melelein lukkun etale men ko im rej kalikkar tōbrakin rijikuul im relaplok jen teej ko ekka lilōk; niknik in jade (ikutkut in jako), kōmman jerbāl ko ilo kilaaj ruwatimjuōn nan kadiwōjlok, im wōr ien nan ebbōk kilaaj ko reuteej.



Kin burokraam ko an jelālokjen an federal

Burokraam ko an Jelalokjen an Federal rej lelok jiban im jaan nan obij ko an jelalokjen ilo jukjuk in bed eo nan ajiri ro rej bed ilo kauwatata. Burokraam ko rej alikkar ekkar nan etan titōl ko aer, im rej kenono kin elōn wawein ko an jelalokjen ilo raan kein. Ekoba jaan im jiban nan kōkōmanmanlok jerbal jiddik ko, lelok bar jet jiban nan rijikuul, jiban kōkōmanmanlok kapeel ko an rikaki im burinjibōl, jiban ikijen katak kajin belle, im makitkit ko nan kalaplok katak. Rijikuul ro ewōr kauwatata, ne ej kijeem jeramōl, ejelok jikin aer jokwe, kalbuj, jekjekin aer emakit nan Amedka, ak wawein ko jet remaron bōk bar jiban ko relaplok nan tōbar wawein katak ko reuteej nan aer tōbrak ilo jikuul im tokelik.

Pepe eo emōj kalaajrak ilo jebta ko ilo burokraam eo an federal:

- A. **Titōl I, Baat A: Kōkōmanmanlok Bedbedin Burokraam Jiddik ko im Obij ko an Jelālokjen ilo jukjuk in bed eo rej Lorlorjake** ej jiban aikuj ko an ajiri — kintōrkarten nan kilaaj 12 — im rej ioon aban ko ilo katak. Titōl I, bukōn eo ilo Baat A ej kameleleik wawein jerbal in bōnōbōn jimwe eo an state. Kein jiban ko emōj kalaajrak ilo bukōn in ej kalikar wawein ko ewōr nan rijikuul jerbal in tōbare katak ko im itok limoer im bōk kwonaer ilo katak ko aer im ta ko remaron kōmmmani. Einwōt burokraam in jelalokjen an federal im eritto im kileb tata, Titōl I, Baat A ej kōmman bwe en ejelok kalijeklok im en wōr jiban nan ajiri ro im aban ko rej iooni ekka an kaban aer katak.
- B. **Titōl I, Baat C: Jelalokjen eo an Ajiri ro rej Emakit tok jen Lal ko jet** ej jiban rijikuul im jodrikdrik ro jen lal ko jet ilo state in tōbare katak ko reuteej ilo aer lle jen aban ko rej walok jen ikutkut in emakit, bōjrak ilo aer etal in jikuul, oktak ko ilo manit im kajin ko aer, im aban ko nan ejmour.
- C. **Titōl I, Baat D: Burokraam in Bōbrae im Jibañ Ajiri im Jodrikdrik ro Rejool, Rejabwābwe ak Rebed ilo Kauwatata** ej jiban kōkōmanmanlok jiban ko ikijen jelalokjen nan ajiri ro bwe en wōr ien nan aer tōbare kobban katak ko rebben an State im jonok in katak ko; lelok nan er jerbal in jiban ko bwe ren bidodo aer janij jen jikuul nan jikuul ko relaplok ak jerbal; im jiban bōbrae jodrikdrik ro ewōr kauwatata nan er jen aer jolok aer jikuul, im lelok nan jaej ro im ajiri im jodrikdrik ro rej rool jen jikin kalbuj ko juōn wawein jiban nan loloorjaak an jab jemlok aer bukōt jelalokjen.
- D. **Titōl II, Baat A: Jibañ Katak ko rej Jerbal** ej kalaplok tōbrak in katak nan aoleb rijikuul ilo an jiban jikuul im bukōn ko kōkōmanmanlok kapeel ko an rikaki im burinjibōl. Meniin ekoba wawein an rikaki kebooj jerbal ko aer im kapeel ko an rikaki kaal ro, wawein kappok im ekaleel rijerbal, kōjerbal er, eddōklok ilo kapeel ko aer, im wawein aer bed wōt ilo jerbal eo aer. Im bareinwōt, jaan ko ikijen Titōl II, Baat A maron jerbal nan kōkōmanmanlok kapeel im jelalokjen ko an burinjibōl ro im ritel ro jet an jikuul bwe en jejjet aer tel ilo jikuul.
- E. **Titōl III, Baat A: Katak Kajin Belle im Kōkōmanmanlok Kajin eo** ej bukōt mejlan aikuj ko raurōk an rijikuul ro rekkan nan jiban in im rej itok jen jikin ko oktak kajin im manit ko aer nan katak im melele kajin eo im ej jiban bwe ren jela kobban katak ko an kilaaj eo aer.
- F. **Titōl IV, Baat A: Jaan in Jibañ ikijen Jibañ ko an Rijikuul im Kalaplok Katak** rej lelok juōn jelalokjen eo ebo lamem nan aoleb rijikuul ekoba burokraam ko ikijen kalōj im koonjel ikijen jerbal, STEM, jina ak jerbal kin ba, im kilaaj ko iumwin International Bacculaureate/Advanced Placement. Ej jiban rijikuul ro kin koba in burokraam in ejmour in kamelij (mental health) an jikuul, bōbrae kōjerbal uno ko rekajoor im kakure armij, im jelalokjen ikijen ejmour im kamakitkit anbwini (physical education). Im eliktata, ej lelok jiban nan kajejjet wawein kōjerbal kein jerbal kapeel ko.
- G. **Titōl IV, Baat B: Jikin Katak ko an Raan kein ilo Jukjuk in bed eo** ej kōmman jikin katak ko ilo jukjuk in bed nan lelok ien kōkōmanmanlok katak ilo elikin awa in jikuul nan rijikuul ro, elabtata nan rijikuul ro rej bed ilo jikuul ko elab rijikuul jeramōl im edrik tōbrak ko aer.

- H. **Titōl V, Baat B, Mōttan baat 2: Burokraam an Jikuul ko ilo Taun Jiddik im Rettolok im Edrik Wōnaan Armij ro ie** ej juōn kōtōbar an federal emōj kōmane nan loloorjaak aikuj ko raurōk ilo bukōn in jikuul ko ilo taun jiddik im rettolok. Ekka an ejelok an bukōn ko rijerbal im kein jiban ko aikuj in jiae nan bōk jaan in jiban ko an federal im ebin bōki im ekka aer bōk jaan in kōjjemooj ko elab aer drik im rejab maron jejjet aer jermal nan uun im kōtōbar ko aer.
- I. **Titōl VII, Mōttan Baat B ikijen Kakien in Jiban ro Ejelok Jikin aer jokwe (McKinney Vento): Burokraam in Jelalokjen nan Ajiri im Jodrikdrik ro Ejelok Jikin aer Jokwe** ej lelok kaminene, jiban in jermal kapeel, im wawein lale, im bareinwōt jaan jen federal nan jiban burokraam ko an bukōn in jikuul nan jiban rijikuul ro ejelok jikin aer jokwe. Ej loloorjaake mōkaj in kadrelon im kakwōn im kaben jelalokjen nan ajiri im jodrikdrik ro ejelok jikin aer jokwe.

A. Titōl I, Baat A: Kōkōmanmanlok burokraam jiddik ko im obiij ko an jelālokjen ilo jukjuk in bed eo rej lorlorjake

Tu Kadu in Melele

Titōl I, Baat A ej lelok jiban nan aoleb rijikuul ro ewōr aer aban in katak, im bukōt mejlan aban ko ilo an lelok jiban ko rejenolok nan loloorjaak an aoleb rijikuul tōbrak.

Jerbal in Etale Kajin eo Eminene kake

OSPI enaaj lelok jermal in etale kajin eo eminene kake ilo kajin ko elaptata kōjembali ilo state in ad nan komman jermal in etale ko an state ikijen katak ko an bōnōbōn im science.

Obiij eo an OSPI ikijen Jelalokjen ilo Ruo Kajin (Bilingual) ej kōmman ripoot aoleb yiō nan kien eo an State eo an Washington kin jonan rijikuul ro rej kenono kajin ko jet ijelokin Kajin Belle. Ilo ripoot eo an 2016, ear wor 215 kajin ko ijelokin Kajin Belle im raar kenono jen 119,844 rikatak Kajin Belle ro ilo Washington.

Bōnōbōn in jermal jimwe

OSPI enaaj kōmman jonan an kajejjet im kalet ripoot ko jen droulul jidrik ko ilo an kōmman jermal in jab kajedeed melele ko an kajojo rijikuul im rikaki ro. Washington enaaj kakobaik melele ko an jilu yiō kin un ko ikijen bwine jermal jimwe, im koba in (elablok jen jilu yiō) jonan eo edriktata in rijikuul bwe ren maron koba enaaj 20.

Kōttōbar aitok ko an Washington ikijen high school ej kadriklok aurōk eo ikijen jonan rikadiwōjlok ilo aoleben jikuul, ak enaaj lale wawein kadriklok kōta ko ilo jonan rikadiwōjlok ibben droulul jidrik ko. Nan kōmane meniin, SEA ej lemaanlok lemnaak eo nan kōmman bwe 90 percent ej jonan eo edriktata in kadriwōjlok ibben droulul jidrik ko.

State eo enaaj kalablok jonan rikatak ro an Kajin Belle im emman alikar in teej in Melele Kajin Belle im burokraam in diwōjlok kin juōn percent kajojo yiō iumwin yiō ko jilu rej beddo tok. Kōttōbar eo enaaj bar etale im kōmman ilo jilu yiō ne jikuul ko renaaj kalet nan jiban im ewōr melele ko relablok nan kamelele ro rej aikuj.

Tebōl 1. Laajrakin kein kalikar kin jonan kilaaj.

Jonan Kilaaj	Kein kalikar katak			Kein kalikar Jonan Emman in Jikuul im Tōbrakin Rijikuul
Elementary	Jonan Melele ilo jermal in etale ko an state ikijen ELA im bōnōbōn (Math)	Eddōkin in Katak ko einwōt jonjon Jonan Eddokin Rijikuul (SGPs)	Wōnmaanlok eo an Rikatak Kajin Belle	Ikutkut in Jako
Middle				
High				

Jonan Kilaaj	Kein kalikar katak			Kein kalikar Jonan Emman in Jikuul im Tōbrakin Rijikuul
	Jonan Melele ilo jermal in etale ko an state ikijen ELA im bōnōbōn (Math)	Jonan Rikadiwōjlok	Wōnmaanlok eo an Rikatak Kajin Belle	Armij ro rej kilaaj 9 im rej tōbrak Ebbōk Kilaaj Uteej ko (ruo kureetet)

Kein kalikar tōbrakin katak rej jonjon in melele Kajin Belle im bonobon (Math). Washington ej lelok jermal in jonjon eo naeten Smarter Balanced aolep yiō ilo kilaaj 3-8 im juōn alen ilo high school ilo kilaaj in Kajin Belle im bonobon (math). Ewōr emen lebōl in jermal im rijikuul ro rej aikuj tōbare jonok ko an state ne renaaj tōbare Lebōl 3 ak 4, im kein kalikar tōbrak in katak enaaj walok jen jonan rijikuul ro rej tōbare jonok ko.

Washington enaaj kōjermal bōnōbōn in rikadiwōjlok ilo emen yiō nan kalikar kadiwōjlok jen high school. Wawein bwine jonan rikadiwōjlok ej loor kein kajineet eo an federal (NCLB Jonan Rikadiwōjlok jen High School, Kajineet Ejelok Kakien in, Tijemba 22, 2008) im ej bedbed ioon naat rijikuul ro rej jino drelone kilaaj ruatimjuōn, kōmman oktak nan rijikuul ro rej drelone ak etal jen juōn jikuul. Jekjekin kadiwōjlok eo an rijikuul enaaj alikar ekkar nan jikuul eo raar bed ie eliktata. Washington ear kōjermal wawein etale jekjek in kadiwōjlok in jen 2010.

Kille ke jet rijikuul etolok ien nan aer kadiwōjlok ekkar, im wawein bwine jermal jimwe (einwōt kamelele ilo Section 4v) enaaj kobaik juōn oktak emman nan jikuul ko rej kakadiwōjlok elōn rijikuul ro ilo ien eo emōj kaitoklok.

Washington ej mōttan jermal eo ear kōmane ELPA21, juōn jermal in etale ak lale jonan melele Kajin Belle ilo emen wawein ko (i.e. riit, jeje, ronjak, im kenono) im emōj karōki ibben jonok ko ekka nan melele Kajin Belle. Jonok eo nan kwalok ke ejerbal wawein ko ej jonan rijikuul ro emōj aer kōmman wōnmaanlok bwe ren emakit jen burokraam eo iloan jiljino yiō.

Washington enaaj kobaik jilu wawein etale emman eo an jikuul eo ak an rijikuul tōbrak: niknik in jade, rijikuul in kilaaj 9 ro rej kōmane jermal ko aer, im ro rej bōki kilaaj uteej ko. Kajojo jonok raar etal ibben ro ewōr aer kōj ilo jermal kein im elab aer kar etali. Rej mōttan wawein lolorjaak tōbrakin jermal nan kadriklok kōta ko ikijen likjab im kalablok jaan in tōbrak nan burokraam eo an K-12 im rej walok ilo website eo an Washington nan aolep.

Washington enaaj kōjerbale juōn wōnmaanlok in jonok ko relōn nan wawein kōkōmanmanlok ko ejelok jemlokier nan men bwe en wōr tokjen kejenolok jikuul ko, ekkar nan waan jonok ko emōj kameleik itulōn.

Jermal in jiban ko elōn kwobbaer an Washington im wawein kōkōmanman Jikuul ko rej bed iumwin Titōl I, Baat A renaaj walok ekkar nan wawein madmōd in waan jonok ko relōn uwaer ilo melele itulōn, ak 67 percent edriklok jen jonok in kadiwōjlok iumwin emen yiō. Enaaj bōnōbōn waan jonok kein kajojo ekkar nan jilu yiō in melele raar aini. Jermal eo ewōr tokjen nan kajenolok jikuul ko ej kakobabaik kōkalle ko relōn (kajojo ibben bōnōbōn 1-10) ibben wawein madmōd in lale jonan im ej kwalok juōn bōnōbōn eo kōtaan 1 im 10 nan kajojo jikuul. Ilo kōjermal melele ne, jikuul ko rettatata im rebed lalem percent in

Titōl I, Baat A renaaj walok nan madmōd in jiban ko relōn, im Washington enaaj kōmane juōn kōttōbar nan kōkōmanmanlok nan ro rebed ilo 5 percent lain eo. Kōjberbal wōt ejja waan jonōk kein, jikuul ko jet renaaj ebbōk madmōd in jiban ko emōj kajejjeti elane juōn ak elōnlok drouluul jiddik ak kumi ko rebed ilal in kōttōbar in.

Ejjab Jonan wōt Juōn an Wōr Rikaki

Washington ej enjake jabwe jaan nan boktok ak aer rikaki ro ewanik aer jberbal. Jet kumi jiddik in rijikuul rej katak ilo juōn wawein eo ejabwe jonan jen rikaki ro rejjab jela jberbal, rejabwabwe, im ejjab lap kapeel ko ibbeir.

OSPI emōj an laajraki jet buntōn ko nan bukōt mejlan likjab kein. Jouj im lale buntōn ko emōj laajraki ilo Pepe in Jelalokijen eo nan jela unin an walok men kein im pepe eo an OSPI nan bukōt mejlan aban eo kin boktok ak aer rikaki ro.

Kakien ko an Jikuul eo

Jberbal in lelok Jelalokjen an State eo ej kate ilo kallimur nan kadiklok men ko rej walok einwōt kakure aeneman, kamijak, im kaboea; im kōmane juōn mejatoto in jikuul eo ebo lamem nan aoleb rijikuul. State eo emōj an kōmman jet buntōn ko raurōk nan kōkōmanmanlok kakien ko an jikuul:

- Karōk jonan kakien ko einwōt jejbāan ak baer im lelok maron ko nan rijikuul nan jumae (ESSB 5946);
- Kajutak juōn Kumi in etale Kaje ko nan kōmman jberbal in aini melele im kameleleiki;
- Mwil ko rekoba iloan maron in wawein jberbal in jiban ko remelim an LAP;
- Kōmman jberbal in jiban nan rijberbal in bukōn eo ikijen kalaplok kapeel im kaminene ko;
- Kajutak elōn wawein lelok jiban (einwōt katak, bwewwenato im jela kajeen armij, enjaak (emotional), lemnak, mwil, im anbwil) nan kōmman oktak ko remman ikijen jelalokjen.

Bar lale

- Jberbal in Etale im Teej
- Lorlorjaake Kōta ko ilo Jiban ko an Jelalokjen im Bōnōbōn Jberbal Jimwe
- Kein Jberbal ikijen Kadiwōjlok
- Ripoot Kaat eo an Washington State
- Burokraam in wia Jeer
- Melele kin mwil ilo Jberbal im Buntōn ko Emman tata

B. Titōl I, Baat C: Jelālokjen eo an Ajiri ro raar emakit tok jen lal ko jet

Tu Kadu in Melele

OSPI ej lelok jiban nan bukōn ko etale aikuj ko an ajiri ro raar emakit tok jen lal ko jet ilo Burokraam in Jelalokjen nan armij ro rar Emakit tok jen lal ko jet. Aikuj ko raurōk ikijen jelalokjen emaron koba bojak nan pre-K im jiban ko nan jodrikdrik ro rejjab jikuul, ekoba juōn burokraam oktak ikijen jelalokjen.

Kōttōbar ko im jemaron Jone an Burokraam eo:

- Kalablok jonan rijikuul ro raar emakit tok jen lal ko jet im euteej lebōl (proficient) in Kajin Belle (Riit).
- Kalablok jonan rijikuul ro raar emakit tok jen lal ko jet im euteej lebōl (proficient) in bonobon (math).
- Kalablok jonan rijikuul ro raar emakit jen lal ko jet im rej bed iuwmin Aurōk in Jerbal in Jiban ak Priority for Service (PFS) im raar kadiwōjlok jen high school jen rijikuul ro rejjab bed ilo PFS.
- Lale uaak ko jen teej in Lale Jonan Melele Kajin Belle (ELPA21, kōmman ilo Spring 2016) nan ejaake juōn lebōl ilo eddōkin rijikuul in likin, ro rej PFS im ro rejjab PFS.

Titōl I, Baat C Burokraam in Katak an Rilikin (MEP) an State eo emōj an karōk wawein an jerbal jaan ko ekkar nan Jerbal in Etale eo nan Lale Aolep Aikuj im Pepe in Lelok Jerbal in Jiban an State ilo laajrak in wawein in:

- Tōbrak in Katak ilo Kajin Belle (ELA) im bonobon (Mathematics)
- Bojak nan Jikuul/Preschool
- Kadiwōjlok
- Jiban Ejmour
- Kōmman ID im Kabbok Armij
- Jinen im Jemen rijikuul ro Bōk Kwonaer/Itok Limo

Bar lale

- Obijj in Jelalokjen nan armij ro raar Emakit tok jen lal ko jet im Kenono Ruo Kajin (Bilingual)
- Jelalokjen ikijen Kenono Ruo Kajin im Kein Jiban ko
- Maron ko an Rijikuul ro raar Emakit jen lal ko jet

C. Titōl I, Baat D: Burokraam in Bōbrae im Jibañ Ajiri im Jodrikdrik ro Rejool, Rejabwābwe ak Rebed ilo Kauwatata

Tu Kadu in Melele

Washington enaaj kōmane juōn pepe in lolorjaak bwe aoleb ajiri im jodrikdrik ro en tōbrak aer emakit jen juōn jikin an ajiri kalbuj im emakit lok nan bar juōn jikin an ajiri kalbuj ak emakit nan juōn burokraam in jikuul ilo jukjuk in bed eo. Drelone Fall 2017, OSPI enaaj jermal ibben juōn kumi ej jermal ikijen jikuul ko an jodrikdrik ro rej kalbuj jen kien nan kōmman wawein tel nan aoleb LEA ro rej jiban jodrikdrik ro rej kalbuj jen kien. Ibben wawein tel in, kajojo bukōn ej aikuj kōmman juōn pepe ikijen wawein kamakit jodrikdrik kōtaan jikin kalbuj ko an jodrikdrik im burokraam in jikuul ko an jukjuk in bed ko.

Kōttōbar im Jemlok Ko an Burokraam eo an Subpart 1

- Nan bukōt mejlan kōkōmanman katak ko an kajojo kilaaj in bonobon im riit: 50 percent im lōnllok in rijikuul rej ebbōk jaan in jiban jen Titōl ilo kilaaj in riit im/ak bonobon renaaj wanlōnllok juōn ak laplok lebōl ilo bukōn ko rej bōk jermal in jiban ko iloan kilaaj ruum ko elikin 90 raan.
- Nan bukōt mejlan kalaplok an rijikuul bōk kureetet in high school: Rijikuul ro renaaj bōk kureetet ilo jonan eo ejjab driklok jen 0.1 kureetet nan aoleb 15 awa in kilaaj ilo 80 percent in aoleb kilaaj ko
- Nan bukōt mejlan lablok in kadrelon ilo jikuul elikin diwōj: Ejjab driklok jen 50 percent in rijikuul ro emōj aer drelon iumwin 90 raan im lōnllok remaron drelon ilo burokraam in ebbōk tiploma in high school, kilaaj in kaminene ko an GED, ak bar drelon ilo burokraam in katak elikin aer emakit jen jikin jikuul ak katak.

Kōttōbar im Jemlok Ko an Burokraam eo an Subpart 2

- Nan bukōt mejlan kōkōmanman katak ko an kajojo kilaaj in bonobon im riit: Ejjab driklok jen 50 percent in rijikuul emōj aer drelon ilo burokraam in jikuul eo tarin 30 raan ak lōnllok remaron kalablok kureet in riit im/ak bonobon kin juōn lebōl in kilaaj ak lablok.
- Nan bukōt mejlan kalaplok an rijikuul bōk kureetet in high school: 100 percentin rijikuul ro im raar drelon im kadedelok ekatak ko ilo 10+ raan kajju renaaj bōk kureetet in jikuul ak awa in jijet ko.
- Nan bukōt mejlan lablok in kadrelon ilo jikuul elikin diwōj: Ejjab driklok jen 50 percent in rijikuul ro rej rool nan jukjuk in bed eo renaaj drelon ilo burokraam in bukōt jelalokijen ko an jukjuk in bed eo iloan 30 raan elikin aer diwōj jen ijo raar kōttar ak kalbuj ie.

Bar lale

- Katak in Jikuul
- Jiban Ko an Katak in Jikuul

D. Titōl II, Baat A: Jibañ Katak ko rej Jerbal

Tu Kadu in Melele

Kōkōmanmanlok kapeel ko an rikaki im burinjibōl ej kalablok tōbrak in katak an aoleb rijikuul. Jaan in jiban jen Titōl II, Baat A ej lelok jiban nan kebooj rikaki im kapeel ko an rikaki ro rekaal, jermal in kabbok armij im aer nan jermal, kile er, eddōk in kapeel im jela jermal, im debij er. Ewōr an Washington likjab ilo kalijeklok ikijen an wōr rikaki ro uteej tōbrak ko aer im ej jermal nan bukōt mejlan aban in ilo burokraam eo an state nan Lolorjaak bwe en bidodo elolo Rikaki ro elab aer Tijemlok.

Emen percent lōnlok ej jonan eo emōj kejenolok nan jaan in jiban ko redrik nan jikin jermal ko ikijen katak an jukjuk in bed (tarin \$1.4 milien) emaron jermal nan jiban rikaki, burinjibōl, im ritel ro an jikuul. Drouluul in Jejjet in Jermal an Rikaki ear rejan bwe state eo en kajenelok jaan nan eddōklok in kapeel ko an burinjibōl. Edrik ak ejelok jaan ebelok nan katakin burinjibōl ro, im state eo emōj an kōmaat jonan nan kaddōklok im katakin kapeel in rikaki. Men eo aurōk nan eddōklok in kapeel an burinjibōl ej kōmman kaminene ko kin wawein an burinjibōl etale rikaki. OSPI ej lemnak in kejbarok bidodo in kōmman oktak nan ilju im jeklaj nan kōlla wōnaan katak in kapeel an burokraam ko an state im federal ikijen burinjibōl ro. Makitkit eo aurōk im ej bed imaan men otemjej ej nan jiban wawein katak ko ewōr tokjeir nan kakajur kapeel ko an rikaki im ritel ro nan jiban ikijen aikuj in katak ko an rijikuul.

Ilo bar kakobaba, enaaj ajeej jaan eo nan jiban katak ko ewōr tokjeir rejelet makitkit in kappok im drebdreb rikaki, burinjibōl, im ritel ro jet an jikuul me elab aer kōmman tōbrak im wōr tokjeir, madmōd in katak ko emōj kakileni ikijen rikaki ro elab aer tōbrak im katak in iminene im jiban nan kumi in tel katak.

Aoleb rijikuul ewōr aer jimwe in tōbar rikaki ro rekapeel im jela jermal. Jet kumi jiddik in rijikuul rej katak ilo juōn wawein eo ejabwe jonan jen rikaki ro rejjab jela jermal, rejabwabwe, im ejjab lap kapeel ko ibbeir. OSPI emōj an bōk kwonaan ilo juōn unlebleb in etale nan kalikar im jinoe nan bukōt jimwe ko nan joraan kein. Etale in bukōt unin ej kōjermal juōn waan jonok eo karōkin wawein eddōk im wōnmaanlok an juōn rikaki jermal nan kakilen joraan ko tellok in ajedeed in tōbar rikaki ro, emōj kwalok itulōn. Unlebleb eo emōj kile ej kinke ejelok jaan in kajjemooj ibelakin bukōn jidrik ko nan kappok im kōjermal rikakai ro ewōr aer kapeel. Nan kōkōmanmanlok maron tōbar, wōnmaanlok eo jinoin ej OSPI enaaj kadiwōj juōn kōjjela im kōkaale enaan ko aoleb yiō ikijen mōkaj ko im ajeej ko rejjab jimwe im ekkar.

Emōj an OSPI kōmman juōn Droulul in Madmōd an Rikaki nan kōmman kakien im makitkit in jiban ikijen jaan im lelok enaan nan kajinoik Pepe in Ajeej eo, jabikbik im iiōt in kōmman kakien nan jabwe in rikaki im makitkit ko jet an state eo nan kalōnlok rijermal in rikaki ilon Washington.

ESSA ejjab aikuj an aoleb rikaki in jiban ro iumwin Titōl I, Baat A bwe ren tōbari jejjōt in drebij kapeel ko an state eo im kabin ko an beba in melim. Ejelok an Washington karōk im kakien ikijen beba im laijen nan rikaki in jiban ro. Mene Kien eo an Washington ear kamelim juōn Drouluul in Rikaki in Jiban nan kōmman naan in rejan nan kōmman kwōn ko, ejanin bōki im kōjermal. Ekkar nan men in, OSPI enaaj drebij kabin in kōkaal kapeel ko an rikaki in jiban iumwin Ejelok Ajiri Enaaj Jool (NCLB) nan ne juōn ien eo m Kein eo enaaj bōki im kōjermal Kwōn in Jermal ko an Rikaki in Jiban.

Jokjok in itulal ej kalaajrak melele im kōttōbar ko OSPI enaaj kōjermal nan lelok enaan ikijen rikaki ro ejelok aer tōbrak in jermal, rejabwabwe, im ejelok aer iminene.

Naan Ko Raurōk	Melele ko an Aoleben State Eo ak Laajrak in Tel ko an Aoleben State Eo
Rikaki eo Ewōr Kapeel im Tokjen Jerbal ko an	Rikaki im burinjibōl ro ewōr aer 3 yiō in iminene renaaj walok einwōt ke ewōr tokjeir ne kureet in teej ko aer ilo TPEP eo ilo laajrak in: 4-Uteejtata (Distinguished) 3-Emman jonan (Proficient)
Rikaki Ej Walōntak ilo Kapeel in Tokjen Jerbal ko an	Enaaj walok rikaki im burinjibōl ro einwōt walōntak in kapeel ko an ilo jino in an jermal* ilo yiō 0–3 ilo jermal ko aer ne renaaj tōbar im bōk juōn “2” ilo TPEP. Renaaj kile im kwalok er einwōt wōr tokjeir kin kureet 3 ak 4. Ne jabdewōt jaan in kien eo an state im federal eo ej ajedeed nan rikaki ro ejelok aer tōbrak in jermal emōj jitōn er, rikaki ro ilo jenolok eo an walōntak ilo kapeel ko an ilo jino in an jermal enaaj tōbrak nan jermal in katak in kapeel ko emōj kakwōni.
Rikaki Ejelok Leen Jerbal ko an	Rikaki im burinjibōl ro renaaj kileir im kwalok er ke ejelok leen jermal ko aer ne: Elablok jen 3 yiō in an wōr an iminene: 2-Ebwe (Basic) 1-Lal In bwe (Below Basic) 0-3 yiō in an wōr an iminene: 1-Lal In bwe (Below Basic)
Rikaki Jabwabwe	Juōn rikaki emōj jitōne bwe en rikaki ilo juōn kilaaj bōtaab ear jab jejjet kile kin kilaaj eo ej lelok katak ie.
Rikaki Ejelok An Iminene	Rikaki ro an kilaaj edriklok jen lalem yiō in aer iminene in jermal in rikaki.

Washington ej kōjermal wawein etale im madmōd in jiban nan rikaki im burinjibōl ro, Burokraam in Etale Rikaki im Burinjibōl, (TPEP). TPEP ear ejaak jen juōn teltel eo ikōtaan OSPI, Drouluul in Katak an Washington, Drouluul in Burinjibōl ro an Washington, Drouluul in Rijerbal in Madmōd Makitkit in Jikuul an Washington, Drouluul in Jinen/Jemen im Rikaki an Washington (PTA), im Drouluul in Jeban Jikuul ko an Washington.

TPEP ej kōjermal wawein lale ko rekajju, jonok in eddōk ko an rijikuul, im kein kamool ko jet nan etale rijerbal in kapeel ro.

Bukōn jidrik in jikuul ko remaron kōjermal juōn iaan waan jonok kein jilu: Framework for Teaching, 5D+ Teacher Evaluation Rubric, ak Marzano Teacher Evaluation Model. Juōn mōttan jilu in bukōn in jikuul jidrik ko 295 uwaer rej kōjerbale kajojo waan jonok.

Kajojo iaan waan jonok kein jilu, ne rej jermal, rej kwalok jonok eo an rikaki eo einwōt:

1. Ejelok tōbrak (Unsatisfactory)
2. Ebwe jonan (Basic)
3. Emman jonan (Proficient)
4. Uteejtata (Distinguished)

Rikaki ro ewōr jilu ak driklok yiō in iminene in rikaki renaaj bōk juōn likio in etale kajojo yiō innem elikin enaaj aoleb emen yiō.

Etale eo an burinjibōl ro ej kōjērbal Waan Jonak in Tel in Burinjibōl an Washington State, ak Lam in Etale Ritel in Jikuul an Marzano.

OSPI ej kōmane jet oktak nan TPEP. Bukōn jidrik ko remaron kalet in kōmane oktak ko ilo yiō in jikuul in 2016-17 ak 2017-18. Kureet eo jen etale eo Elōn Kwobban enaaj wōnmaanlok bulen etale eo emōj Kajejjete. Meniin enaaj kakajur rikaki im burinjibōl ro nan kōtmene ijoko ewōr aban ie tōrrein madmōd in etale eo emōj Kajejjete. Lale, ej einwōt juōn mōttan eo aurōk ilo madmōd eo, ej lablok bwe en kakobaik makitkit ko me remaron kōmman nabojin ruum in katak eo ak raan in jikuul eo.

Bar lale

- Kapeel ko an Rikaki im Burinjibōl
- Beba in kein kamool an State eo an Washington
- Kōttōbar kin makitkit eo an state nan loloorjaak ejelok kalijeklok nan rikaki ro relukkun emman (kōttōbar kin ejelok kalijeklok)
- Burokraam in Etale Rikaki/Burinjibōl (TPEP)
- Kumi in jiban nan jinoin lelok katak
- Lal ko an juōn rikaki jen Ra eo ej lale jonan ko rekka nan juōn rikaki emōj an bōk kapeel
- Aikuj ko an rijerbal eo ej jerbal iumwin rikaki

E. Titōl III, Baat A, möttan baat 1: Katak Kajin Belle im Kōkōmanmanlok Kajin eo

Tu Kadu in Melele

Titōl III, Baat A ej lale aurōkin aikuj ko an rijikuul ro remaron tōbrak im rej itok jen ijoko oktak kajin im manit nan tōbar aer jela kajin eo ewōr tokjen nan aer maron bed ilo kilaaj im katak.

Emōj kalikar rijikuul ro einwōt rikatak in kajin belle ekkar nan jermal in jonak ikijen kajin eo aer ilo mweo mweer im kureet in etale eo nan aer jela kajin belle emelim jen state, ELPA21 (jino ilo fall 2017). Etale eo ej jone aurōkin kajin ikijen riit, jeje, ronjak, im kenono. Bukōn ko rej aikuj lelok etale in iloan 10 raan in ien an drelon. Rijikuul ro im kureet ko aer renaaj bed lal ak rej bed ilo lebōl eo nan oktak remaron tōbrak nan jiban ko ikijen kadreklok kajin belle.

Rikatak in kajin belle ro rej teej aoleb yiō ilo aer kōjermal ELPA21 ak ELPA21 ibben jiban ko nan rikatak in kajin belle ro elab utamwe nan aer maron ebbōk katak.

Emōj kalikar rijikuul ro rej walōntak, wōnmaanlok, ak emman jonan ekkar nan jemlokin jermal in etale ak teej ko aer. Rijikuul ro ewōr aer kōnaan nan walōntak ak wōnmaanlok renaaj ebbōk jiban ko ikijen kaddōklok aer kajin belle, im rijikuul ro emman jonan reban ebbōk jiban ko ikijen kaddōklok kajin belle.

Nan ruo yiō elikin an rijikuul ro diwōjlok jen jiban ko ikijen kaddōklok kajin belle, bukōn ko renaaj bar ebbōk jaan jen state nan lale wōnmaanlok ko aer ilo katak im lelok jiban ikijen katak elane renaaj bed ilalin lebōl in kilaaj ak rejjab ioon jonan ko aikuj ilo jermal in jonjon aurōk ko ikijen kajin belle, bonobon, ak science rej kōmman aoleb yiō.

SEA enaaj jiban LEA ko nan ioon jonan ko ekka ikijen katak ko an state ilo an lelok aikuj ko ikijen jonjon aurōk ikijen katak ilo kajin ko aer make nan jonan eo elabtata im ewōr iumwin ESSA Titōl I, Baat A.

SEA enaaj bar lelok ilo kajju ak ilo bija jiban ilo kein jermal kapeel ko nan jiban LEA ko kajejjet kakien im jermal ko nan kalablok tōbrak in katak in EL im jela kajin belle. Im bareinwōt nan jiban ko rej kajju ikijen jermal in kein kabeel ko an LEA ilo talebon, email, ak kwelok ko rej kōmman ilo kambūtōr ko, rijermal in SEA renaaj lelok makitkit in katak kapeel nan armij eo ak online im kin kein jiban ko online kin laajrak ko rej jiban katak ko an EL ewōr aban ie, lale aurōkin aikuj ko an ro rekaal, lale bwe enjab wōr likjab ilo ajeej in jelalokjen nan ro ejejjet aikuj ko aer im kōmman burokraam in EL nan kajin ko ruo.

Bar lale

- Burokraam eo ikijen ro raar emakit tok jen lal ko jet im katak kin ruo kajin
- Jonan eo ekka nan jela kajin belle
- Jelalokjen ikijen Kenono Ruo Kajin im Kein Jiban ko
- Maron ko an Rijikuul ro raar Emakit jen lal ko jet

F. Titōl IV, Baat A: Jaan in Jibañ ikijen Jibañ ko an Rijikuul im Kalaplok Katak

Tu Kadu in Melele

Jiban ko an Rijikuul im kalōnlōk Katak ej lelok nan aoleb rijikuul jelalokjen eo ebo lamēn ekoba burokraam ko einwōt kalōj im koonjel ikijen jerbāl, Science, Technology, Engineering, im bonobon (STEM), jina, civics, im International Baccalaureate/Advanced Placement kilaaj ko. Ej jiban rijikuul ro kin koba in burokraam in ejmour in kamelij (mental health) an jikuul, bōbrae kōjērbāl uno ko rekajoor im kakure armij, im jelalokjen ikijen ejmour im kamakitkit anbwīn (physical education). Im eliktata, ej lelok jiban nan kajejjet wawēin kōjērbāl kein jerbāl kapeel ko.



Washington enaaj kōjērbāl jaan ko an state iumwin jikin in nan lelok bwe ren lale, jiban ikijen kein jerbāl kapeel, im kakajur bukōn ko nan ioon kōttōbar ko an burokraam in.

Washington enaaj kōjērbāl jaan ko ilo Titōl IV, Baat A, mōttan baat 1 nan lelok kajjemooj nan kajojo LEA einwōt laajrak:

- Bwine jonan percent in jaan kajojo LEA ej bōke ekkar nan jonan eo ear bōke iumwin mōttan baat 2 in Titōl I, Baat A ilo fiscal yīō in jerbāl eo moktalok.
- Lolorjaak ejelok LEA enaaj bōk kajjemooj driklok jen \$10,000.
- Elane jabdewōt kajjemooj in LEA enaj driklok jen \$10,000 OSPI enaaj kaju kadriklok jonan eo einwōt aikuj ibben ESSA Section 4105(b).

Bar lale

- Jelalokjen ikijen STEM ilo Washington
- Jelalokjen ikijen kein jerbāl kapeel
- Burokraam in Advanced Placement/International Baccalaureate

G. Titōl IV, Baat B: Jikin katak ko an raan kein ilo jukjuk in bed eo

Tu Kadu in Melele

Unin burokraam in jikin katak ko an raan kein ilo jukjuk bed eo ej nan lelok ien nan an jukjuk in bed ko kōmman ak kalablok makitkit ko rej—

- Lelok ien nan kolablok katak, ekoba lelok jiban in katak nan rijikuul ro, elablok nan rijikuul ro rej bed ilo jikuul ko etta katak ko aer nan ioon kōttōbar in jonan katak ko an state ilo ien ko ejjab awa in jikuul;
- Lelok bar jiban, burokraam, im makitkit ko jet nan rijikuul einwōt makitkit an jodrikdrik nan eddōklok, jiban in katak, jelalokjen kin ōn in mōna im ejmour, burokraam in bōbrae jen uno ko rekajur im joraan, burokraam in koonjel ko, burokraam in jina, kajanjan, burokraam in kōkōmanman ejmour, burokraam in jelalokjen kin kein jermal kapeel ko, burokraam in melele kin jaan, burokraam in melele kin mejatoto, burokraam in bōnōbōn, science, jermal, im jermal kapeel, burokraam in katak einwōt rijikuul, im wawein ko jet nan jikin jermal ko elab aikuj ak jermal nan rijikuul in high school emōj kōmani nan jiban lok burokraam in katak ko an rijikuul ro; im
- Lelok nan baamle ko an rijikuul ro jikin katak ko ilo jukjuk in bed eo ien nan aer bōk kwonaer ilo jelalokjen eo an ajiri ro nejier ilo juōn wawein ewōr tokjen ekoba ien nan aer eddōk ikijen aer melele im katak ko jet.

OSPI enaaj kōjermal ruwatimjuonoul-jilu percent (93 percent) in jaan emōj kajjemooj nan Titōl IV, Baat B nan lelok jiban ko rekōketak an CCLC ilo raan kein nan ioon wun eo an burokraam in.

Burokraam ko rej aikuj lelok makitkit ko rej:

1. Rej lelok ilo awa ko ejjab ien jikuul ak ien ko ejelok jikuul
2. Bar lelok im jiban burokraam in katak ko rijikuul ro rej bōki
3. Loor jonan ko ekka ikijen katak ko rekōketak an state
4. Rej kajejjet aikuj in katak ko an rijikuul im loor katak ko rijikuul ro rej bōki ilo ien raan in jikuul

OSPI enaaj kōjermal lok nan ruo percent in jaan nan an lale burokraam eo, im lok nan lalem percent in jaan nan makitkit ko ilo lebōl ko an state, ekoba lale im etale ko, kakajur, kaminene, jiban ikijen kein jermal kapeel, im kokobaik im jermal in kolaajrak nan jukjuk in bed eo.

Bar lale

- Jikin katak in raan kein ilo jukjuk in bed eo an Washington

H. Titōl V, Baat B, Mōttan baat 2: Burokraam in Jikuul nan Taun Jiddik im Rettolok im Edrik Wōnaan armij ro ie

Tu Kadu in Melele

Titōl V, Baat B ej juōn kōttōbar an federal emōj kōmane nan loloorjaak aikuj ko raurōk ilo bukōn in jikuul ko rettolok. Ekka an ejelok an bukōn ko rijerbal im kein jiban ko aikuj in jiae nan bōk jaan in jiban ko an federal im ebin bōki im ekka aer bōk jaan in kōjjemooj ko elab aer drik im rejab maron jejjet aer jerbal nan uun im kōttōbar ko aer.

OSPI enaaj kōjerbal jiban in burokraam ko an jikuul ko ilo ijoko rettolok im eddōk wōnaan armij (RLIS) nan jiban bukōn kein kōjerbal kein jiban ko an federal nan kejejjet jiban nan aoleb rijikuul im lelok likjab nan rijikuul ro elab janiknik er ilo jikin jelalokjen jen tōre ko maanlok. Ro remaron tōbrak ikijen LEA renaaj kalikar aikuj ko rej raurōk kin wawein an jaan kein jerbal im lelok bebe kin wawein aen im ripoot melele nan etale wōnmaanlok ko ikijen jemlok im kōttōbar ko emōj kaleti.

Jiban in kein jerbal kapeel remaron tōbrak nan LEA renaaj wōnmaanlok in lale jiban eo ekoba kōjella ko ikijen LEA ikijen aikuj ko an ablikajen, laajrak in ien ko, oktak ko ikijen maron tōbrak, jiban nan maron tōbrak nan tōbrak in jikuul ko redrik im itok jen ijoko rettolok (SRSA)/RLIS jiban ko, im tōbar LEA ko remaron jiban kajinet ikijen melim in kōjerbal jaan im lemnak kaal/ jerbal ko remman tata.

Wōnmaanlok in an Washington bōk kwonaan ilo kotobar ko an ijoko rettolok ilo Northwest im drouluul eo rijikuul ro rej bōk kwonaer (NW RISE) ej lelok juōn jiban ak iminene ko ewōr tokjeir nan kawōnmaanlok an rijikuul bōk kwonaer im jiban an aoleb rijikuul tōbrak, ekkar nan ijoko ilo LEA ko elab tata aer ettolok and ijoko remaron tōbrak ikijen RLIS.

Madmōd in etale eo an burokraam eo an state emōj kobaiki ej kile LEA ko redrik, rettolok, im itok jen ijoko edrik wōnaan armij bwe ren jiban etale ko emōj kajejjet im kōmani kin melele ikijen aban ko LEA ko rej iooni. OSPI ej kōjerbal juōn wawein jiban kin jerbal ko rekaapeel nan etale im kajejjet LEA ko redrik im ettolok nan madmōdin lale oktak ak janij nan ro rej ebbōk jiban.

Bar lale

- Burokraam an jikuul ko ilo ijoko rettolok im drik wonaan armij
- Burokraam in tōbrak ilo jelalokjen ilo ijoko rettolok

I. Burokraam ikijen Jelalokjen nan Ajiri im Jodrikdrik ro ejelok jikin aer jokwe, Kakien in McKinney-Vento nan jiban ro ejelok jikin aer jokwe, Titōl VII, Titōl eo lalin B

Tu Kadu in Melele

Titōl VII, Titōl eo lalin B ej lelok kaminene, jiban ikijen kein jermal kapeel, im lale, im bareinwōt jaan jen federal nan jiban burokraam ko ilo bukōn in jikuul ko rej jiban rijikuul ro ejelok jikin aer jokwe. Ej lolorjaake mōkaj in kadrelon im kakwōn im kaben jelalokjen nan ajiri im jodrikdrik ro ejelok jikin aer jokwe.

Nan kalaajrak eo emman tata nan kalikar ajiri im jodrikdrik ro rej bed ilo an ejelok jikin aer jokwe, ewōr beba in kajjitōk ko ikjen jikin jokwe rej lilok driktata juōn alen ilo juōn yiō nan jinen im jemen ajiri eo, im nan kajojo jodrikdrik eo ej make iaan ilo


aoleb bukōn. Beba in kajjitok eo ikijen jikin jokwe enaaj kōmman ilo kajojo yiō jinoin ien jikuul im bareinwōt ilo an rijikuul kaal ro drelon ilo bukōn eo ilo ien jikuul eo. OSPI ej lelok juōn jambōl in beba emōj ukōte nan elōn kajin ko nan an jikuul ko bōki im kajejjeti nan bukōn eo aer. An rijikuul drelon im laajrak ko ikijen kein jiban renaaj kōmman ien eo wōt rijikuul eo enaaj drelon nan lolorjaak bwe en jejjet lale aikuj ko an rijikuul ro rej bed ilo an ejelok jikin aer jokwe.

Aoleb bukōn in jikuul ilo state eo enaaj lale ibben burokraam eo an OSPI im an federal nan madmōdin etale eo an burokraam eo emōj kobaiki (CPR). Lale kein kalikar ko ekoba loor kaminene in jermal in kalaajrak, kalikar im kadrelon rijikuul ro ejelok jikin aer jokwe, kōjermal beba in kajjitōk ko ikijen jikin jokwe nan jiban kwalok, im aikuj ko jet an McKinney-Vento.

OSPI ej lelok likio in kaminene nan aoleb LEA ikijen jermal ko an bukōn eo, ekoba aikuj ko ikijen an kajju alikar im drelon ajiri in jodrikdrik ro ejelok jikin aer jokwe, kōjermal beba in kajjitōk ko ikijen jikin jokwe im beba in ebbōk melele, kōjermal aoleb kein jiban ko ekkar nan tōbrak ilo jikuul, im aikuj ko nan ebbōk im aen melele im ripoot kaki.

OSPI ekkar jermal ibben drouluul eo an Jeban Jikuul ko an state eo an Washington (WSSDA) ilo fall 2016 nan kōmane juōn kokkaal in jambōl in kakien an bukōn in jikuul eo ikijen jelalokjen eo an ajiri im jodrikdrik ro ejelok jikin aer jokwe. Aoleb bukōn ko aikuj bōk kakien (WSSDA 3115 ak einwōt) nan lale jelalokjen eo an ajiri im jodrikdrik ro ejelok jikin aer jokwe.

OSPI ekkar kōmane im kōjermal juōn kakien in 2002 ewōr jilu mōttan ikijen abunōnō ikijen ro ejelok jikin aer jokwe nan lolorjaak bwe abunōnō ko ikijen ia eo renaaj likit ajiri im jodrikdik ro ejelok jikin aer jokwe en mōkaj an wōr jemlok.



Ajiri ro redrik im ejelok jikin aer jokwe ilo Washington remaron etal nan burokraam in preschool ko an public SEA ak LEA rej lali, einwōt an bar ajiri ro jet ilo Washington maron etal nani. Im bareinwōt, jiban ko rebin bōki an McKinney-Vento im rej bed ikijen OSPI nan LEA rekoba kalaajrak im jejjet in jiban nan rikatak ro redrik/ajiri in preschool ro rej ioon an ejelok jikin aer jokwe bwe ren maron drelon im bed im tōbrak ilo burokraam ko an preschool. Jerbal kein remaron kobain jikin ko emōj kakwōni, aen melele im kōmman jermal in jonjon aurōkin aikuj ko an jujuk in bed eo ikijen ajiri jidrik ro rej katak im ejelok jikin aer jokwe.

Kakien eo an Washington ej aikuj bwe bukōn ko an jikuul ren lelok kamelim in jab aikuj ebbōk jet kilaaj aikuj nan kadiwōjlok elane ebaake kilaaj ko ebwe an kar kadedelok ilo bar juōn bukōn in jikuul, im bareinwōt ej bar aikuj bwe bukōn in jikuul ko ren kokobaik jidrik kureetit, jab kadedelok, ak jabikbik in jermal in kilaaj im lelok ien bwe kureetit ko emōj aen ilo juōn wawein eo ej jolok aban ikijen katak im katak ko jet nan rijikuul eo. Im bareinwōt, bukōn in jikuul ko rej aikuj lelok jidrik kureetit ikijen kilaaj ko emōj aer dedelok mokta jen raan eo raar bōjrak ak emakit, im jikuul eo rej etal nane aikuj bok kureetit ko im likit ilo wōnmaanlok in katak ko an rijikuul eo ak nan an kadiwōjlok, ak jimor wawein ko; im kamelim an rijikuul eo ebbōk kureetit jekdoon kin raan eo ear drelon ilo jikuul eo ej bōke.

OSPI ej lolorjaak bwe ajiri im jodrikdrik ro ejelok jikin aer jokwe *im rej ioon laajrak ko rekka nan aer maron tōbrak* reban ioon aban ko nan aer ebbōk makitkit in katak im ikkure ko jet. Ajiri im jodrikdrik ro rej ioon ejelok jikin aer jokwe renaaj drelon im remaron naj lukkan bōk kwonaer ilo aoleb makitkit ko an jikuul ne renaaj ioon aikuj ko nan aer maron tōbrak. Ikkure ko, ekoba ikkure ko rebed ilo lebōl in varsity rej makitkit ko an jikuul. Obij eo an Superintendent in Katak ko an Lobelej ej jermal ibben Washington Interscholastic Athletic Association (WIAA) ikijen abunōnō ko ikijen an rijikuul maron tōbrak nan ikkure. Drouluul ko an ikkure ko rej aikuj loor aikuj ko ilo kakien ko an McKinney-Vento im jolok aban ko an rijikuul ro ejelok jikin aer jokwe im remaron tōbrak nan bōk kwonaer ilo ikkure ko; ren lukkan lale kakien ko ikijen aer maron bōk kwonaer ikijen aer nikan in jade im jikin jokwe.

Rijikuul ro rej ioon an ejelok jikin aer jokwe enaaj ejelok kalijeklok ilo aer maron bed ilo aoleb burokraam ko an jikuul ekoba jikuul in magnet ko, burokraam in katak ikijen jermal im kein jermal kapeel ko, likit ilo kilaaj ko reuteej, im burokraam in jikuul ko rej charter.

Burokraam eo an OSPI McKinney-Vento ej jermal nan jolok aban ko ikijen wa im rekoot ko jet ikijen ejmour ilo an wōnmaanlok kalaajrak ibben jikuul in bukōn ko ilo jujuk in bed eo im obij ko jet rej jiban rijikuul ro ejelok jikin aer jokwe.

Kakien eo an Washington (RCW 7.70.065) ej kiō kamelim an wōr rilolorjaake ro ejelok jikin aer jokwe ilo jikuul eo, nōj im koonjelor ro an jikuul renaaj lelok melele ko ikijen kejbarokin ejmour rejab idin nan jodrikdrik ro rinannimij im ejelok rej bōk kwonaer im rej ioon melele ko ikijen juōn ajiri ak jodrikdrik eo ejelok jikin an jokwe iumwin kakien eo McKinney-Vento an Federal ikijen jelalokjen im ejelok jikin jokwe. Jerbal kaal in nan an jodrikdrik ro rej bed ilo uwata im ejelok jikin aer jokwe maron ebbōk kejbarokin ejmour im emaron kar ejelok ien nan aer etal nan jejjet in ien nan ebbōk kejbarok ikijen taktō im ejmour in nii ilo tōre ko maanlok enaaj aurōk nan jiban aikuj ko ikijen kejbarok ejmour nan an jodrikdrik rein wōnmaanlok.

Kien eo an Washington ej kamoik bukōn jidrik ko an jikuul jen kabōjrak kadrelon kinke ejelok kein kamool im kakilen ikijen jikin jokwe. RCW 28A.225.215 ej ba ke juōn bukōn in jikuul ejjab aikuj kajitikin kein kakilen jikin jokwe ak jabdewōt melele ko jet ikijen atorej eo an jabdewōt ajiri ne ejelok an ajiri eo jikin jokwe ekkar nan melele ko an kien. Nan kakobaba lok wōt, bukōn in jikuul ko redrik raikuj kadrelon

jabdewōt ajiri ro yiō ko aer rekkar nan jikuul ro im remaron drelon ekkar nan karōk ko ejelok jikin aer jokwe ekkar nan melele ko an kien ne ajiri eo an jinen/jemen ak rikejbarok eo emōj kile ilo kien an ajiri eo.

Aoleb rijerbal in kajedeed melele ro an LEA rej bōk jela in jermal ikijen kabin ko an bukōn eo im kien eo elab ej mōttan wawein drelon ilo jikuul ilo ien eo emōkajtata nan rijikuul ro ejelok jikin aer jokwe. Rijerbal in kajedeed melele ro im ewōr aer iminene ilo jukjuk in bed eo rej jermal ibben nukwi ko im jodrikdrik ro ejelok rikerwaan er nan tōbar jabdewōt beba ko rejako ekka aikuji nan drelon ilo jikuul, einwōt beba in lotak, beba in kakwōn in jikuul, im beba ko jet, im jabdewōt wōnaan ko rej itok jen maron tōbar beba ko remaron ella iloan OSPI letokin jiban ko redrik jen McKinney-Vento, ak Titōl I, Baat A jaan Jenolok Nan Ro Ejelok Jikin Aer Jokwe.

Jet ien ewōr an rijikuul ro rej bed ilo wawein ejelok jikin jokwe aban ikijen rikejbarok ro emōj kileir ilo kien im rilale er, im remaron jokwe ibben ritto ro jet im rejjab jineir im jemeir ak rikejbarok ro emōj kileir ilo kien. Rijerbal in Kajedeed Melele ro rej bōk jiban ko rekapeel jen OSPI im karōk ko nan jiban ko rej bed wōt nan jiban ikijen aban ko rej walok jen wawein kein.

Jiban jen McKinney-Vento emaron kōjerbal jaan nan lelok iuniboom in jikuul ko rekkar, ak nuknuk in jikuul ko jet rekkar nan maron bed im bōk kwonaan ilo jikuul.

Burokraam in McKinney-Vento ej lelok wawein katak ko ilo Kwelok eo an Rijerbal in Rejan ro an Jikuul in OSPI ej kōmman aoleb Yiō nan kolablok jelalokijen im kajedeed bin ko an Kwōn eo an McKinney-Vento ibben rijerbal in rejan ro an jikuul, nan kōkōmanmanlok an rijikuul ro ejelok jikin aer jokwe bwe en bidodo aer tōbar enaan im kōjjela ko kin kilaaj in jikuul ko reuteej lok ekoba dedelokin FAFSA, wawein jermal in jiban ko an kalōj, im lōlō in kejkan juōn rijikuul eo emake iaan.

Bar lale

- Jelalokjen eo an ajiri im jodrikdrik ro ejelok jikin aer jokwe
- Melele ko ikijen ajiri im jodrikdrik ro ejelok jikin aer jokwe